



**«ԱՐՑԱԽ ՀԷԿ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ՏՆՕՐԵՆՆԵՐԻ ԽՈՐՀՈՒՐԴ**

ՈՐՈՇՈՒՄ

«09» օգոստոսի 2012 թ.

N 3-2012/03

ք.Ստեփանակերտ

**«ԱՐՑԱԽ ՀԷԿ» ԲԲԸ-Ի ԿՈՂՄԻՑ ԱՄՆ ԴՈՒՍՐՈՎ ԱՐՏԱՀԱՅՏՎԱԾ ՈՉ ՓԱՍՏԱԹՂԹԱՅԻՆ
ԱՆՎԱՆԱԿԱՆ ԱՐԺԵԿՏՐՈՆԱՅԻՆ ՊԱՐՏԱՏՈՄՍԵՐ ԹՈՂԱՐԿԵԼՈՒ ԵՎ ՏԵՂԱԲԱՇԽԵԼՈՒ ՄԱՍԻՆ**

Հիմք ընդունելով «Բաժնետիրական ընկերությունների մասին» ԼՂՀ օրենքի 84 հոդվածի 1-ին մասի «է» ենթակետը, 61 հոդվածի 1-ին մասը, «ԱՐՑԱԽ ՀԷԿ» ԲԲԸ կանոնադրության 12.5. կետի «բ» ենթակետը և «ԱՐՑԱԽ ՀԷԿ» ԲԲԸ Տնօրենների Խորհրդի 09.08.2012թ. նիստի թիվ 3-2012 արձանագրությունը, ինչպես նաև ելնելով «ԱՐՑԱԽ ՀԷԿ» ԲԲԸ գործունեության բնականոն զարգացման անհրաժեշտությունից՝ «ԱՐՑԱԽ ՀԷԿ» ԲԲԸ Տնօրենների Խորհուրդը

ՈՐՈՇՈՒՄ Է՝

1. Թողարկել 8,000,000 (ութ միլիոն) ԱՄՆ դոլար ընդհանուր ծավալով, 800 (ութ հարյուր) հատ, 10,000 (տասը հազար) ԱՄՆ դոլար անվանական արժեքով ոչ փաստաթղթային անվանական արժեկտրոնային պարտատոմսեր
2. Հաստատել «ԱՐՑԱԽ ՀԷԿ» ԲԲԸ-ի 8,000,000 (ութ միլիոն) ԱՄՆ դոլար ընդհանուր ծավալով, 800 (ութ հարյուր) հատ ոչ փաստաթղթային անվանական արժեկտրոնային պարտատոմսերի թողարկման և տեղաբաշխման պայմանները՝ համաձայն Հավելվածի (կցվում է):
3. Հանձնարարել «ԱՐՑԱԽ ՀԷԿ» ԲԲԸ Գլխավոր տնօրենին ապահովել պարտատոմսերի տեղաբաշխման նախապատրաստական աշխատանքների իրականացումը, այդ թվում՝ ներդրումային ծառայություններ մատուցող անձի («ԱՐՄՍՎԻՍԲԱՆԿ» ՓԲԸ) հետ «ԱՐՑԱԽ ՀԷԿ» ԲԲԸ պարտատոմսերի տեղաբաշխման կազմակերպման նպատակով համապատասխան պայմանագրի կնքումը, պարտատոմսերի ազդագրի մշակումը և ՀՀ կենտրոնական բանկում օրենքով սահմանված կարգով գրանցումը, տեղաբաշխման ենթակա պարտատոմսերի տեղաբաշխմանն առնչվող այլ գործողությունների իրականացումը:
4. Սույն որոշումն ուժի մեջ է մտնում 2012 թվականի օգոստոսի 9-ից:

ԽՈՐՀՐԴԻ ՆԱԽԱԳԱՀ

Ս. ԹԵՎՈՍՅԱՆ

«ԱՐՑԱԽ ՀԷԿ» ԲԲԸ Տնօրենների Խորհրդի
09.08.2012թ. թիվ 3-2012/03 որոշմամբ

«ԱՐՑԱԽ ՀԷԿ» ԲԲԸ

10,000 ԱՄՆ դոլար անվանական արժեքով 800 հատ ոչ փաստաթղթային անվանական արժեկտրոնային պարտատոմսերի տեղաբաշխման պայմաններ

1. ԸՆԴՀԱՆՈՒՐ ԴՐՈՒՅԹՆԵՐ

1.1. «ԱՐՑԱԽ ՀԷԿ» ԲԲԸ-ն (այսուհետ նաև՝ «Ընկերություն») սույնով.

1.1.1. սահմանում է իր կողմից թողարկվող 10,000 (տասը հազար) ԱՄՆ դոլար անվանական արժեքով 800 (ութե հարյուր) հատ ոչ փաստաթղթային անվանական արժեկտրոնային պարտատոմսերի (այսուհետև՝ «Պարտատոմսեր») տեղաբաշխման պայմանները՝ հիմք ընդունելով «Բաժնետիրական ընկերությունների մասին» ԼՂՀ օրենքի, Ընկերության կանոնադրության պահանջները,

1.1.2. կանոնակարգում է նշված պարտատոմսերի տեղաբաշխման առնչությամբ առկա փոխհարաբերությունները:

2. ՀԻՄՆԱԿԱՆ ՊԱՅՄԱՆՆԵՐ

2.1. Ընկերության կողմից տեղաբաշխվող պարտատոմսերի տեղաբաշխման հիմնական պայմաններն են՝

| | |
|--|---|
| Պարտատոմսի դասը | Անվանական արժեկտրոնային պարտատոմսեր |
| Պարտատոմսի ձևը | Ոչ փաստաթղթային |
| Պարտատոմսի այլ բնութագրիչներ | Պարտատոմսերը փոխարկելի չեն, Ընկերությանը վաղաժամկետ մարման իրավունք չեն տալիս |
| Թողարկման ընդհանուր ծավալը | 8 մլն ԱՄՆ դոլար |
| Անվանական արժեքը | 10,000 ԱՄՆ դոլար |
| Քանակը | 800 հատ |
| Շրջանառության ժամկետը | 36 ամիս |
| Տեղաբաշխման ձևը | բաց բաժանորդագրություն |
| Շրջանառության ձևը | ազատ շրջանառության իրավունքով |
| Պարտատոմսի ապահովվածությունը | Ընկերության ընդհանուր գույքով և այլ ակտիվներով |
| Պարտատոմսերի եկամտաբերության տարեկան տոկոսադրույքը և արժեկտրոնի (տոկոսագումարների) վճարման պարբերականությունը | Արժեկտրոնները հաշվարկվելու են տարեկան 10%, որոնք վճարվելու են կիսամյակային պարբերականությամբ և ՀՀ դրամով: |
| Վճարման պայմանները (միջոցը և ժամկետները) և կարգը | Պարտատոմսերի դիմաց վճարումները կատարվում են ԱՄՆ դոլարով՝ մինչև |

պարտատոմսերի տեղաբաշխման ավարտի օրը:
 Վճարումներն ընդունվելու են կանխիկ և անկանխիկ ձևով՝ «ԱՐՄՍՎԻՍԲԱՆԿ» ՓԲԸ-ում բացված բանկային հաշվին:

Տեղաբաշխման ընթացքում կախված ձեռք բերման պահից պարտատոմսերի գինը փոփոխվում է և հաշվարկվում է ստորև բերված բանաձևով.

Պարտատոմսերի տեղաբաշխման գինը

$$P = \frac{1}{\left(1 + \frac{a \times I}{b}\right)} \times \left(R \times \left(\frac{1 - \left(1 + \frac{I}{2}\right)^{-(m-1)}}{\left(\frac{I}{2}\right)} + 1 \right) + \frac{N}{\left(1 + \frac{I}{2}\right)^{(m-1)}} \right)$$

որտեղ՝

- P – Պարտատոմսի տեղաբաշխման գինն է,
- N – Պարտատոմսի անվանական արժեքն է,
- I – Տարեկան եկամտաբերություն,
- a – մինչև առաջիկա արժեկտրոնի վճարումը մնացած փաստացի օրերի թիվը,
- b – ընթացիկ կիսամյակում ընդգրկված օրերի քանակն է,
- R – կիսամյակային վճարվող արժեկտրոն (1000 ԱՄՆ դոլարին համարժեք ՀՀ դրամ),
- m – այդ պահին մնացած արժեկտրոնների վճարումների թիվը:

Մարման (արժեկտրոնների վճարման) կարգը և վայրը

Մարումն և արժեկտրոնների վճարումն իրականացվում է անկանխիկ ձևով:

Վճարման վայր է հանդիսանում պարտատոմսի սեփականատիրոջ նշված բանկային հաշիվը:

Պարտատոմսերի սեփականատերերի իրավունքները և պարտականությունները

Պարտատոմսերի ձեռքբերմամբ դրա սեփականատերը ստանձնում է հետևյալ իրավունքներն ու պարտականությունները.

Որպես իրավունք կարող են՝

- ստանալ պարտատոմսերով նախատեսված արժեկտրոնները և մարման գումարները,
- Ընկերության կողմից պարտատոմսերի արժեկտրոնների և/կամ մարման գումարը սահմանված ժամկետից ուշացնելու դեպքում յուրաքանչյուր ուշացրած օրվա համար ստանալ մարման ենթակա գումարի 0,1%-ի չափով տույժ,
- Ընկերության կողմից պարտատոմսերի արժեկտրոնները և/կամ մարման գումարը սահմանված ժամկետից ուշացնելու դեպքում ձեռնարկել պարտատոմսերի սեփականության իրավունքից բխող իր պահանջների բավարարման ուղղությամբ օրենքով թույլատրվող գործողություններ,

- Ընկերության կողմից պարտատոմսերի արժեկտրոնները և/կամ մարման գումարը սահմանված ժամկետից ուշացնելու հիմքով (սնանկ ճանաչվելու արդյունքում) դատական կարգով լուծարման դեպքում օգտվել պարտատիրոջը օրենքով վերապահված իրավունքներից,
 - Տեղաբաշխման ավարտից հետո իր ցանկությամբ օտարել պարտատոմսերը՝ օրենքով սահմանված կարգով,
 - Գրավադրել պարտատոմսերը օրենքով սահմանված կարգով,
 - Օրենքով նախատեսված այլ իրավունքներ:
- Որպես պարտականություն՝
- Մինչև պարտատոմսերի ձեռքբերումը պահառուի մոտ բացել արժեթղթերի անձնական հաշիվ,
 - Մինչև պարտատոմսերի ձեռքբերումը որևէ բանկում բացել բանկային հաշիվ,
 - Կատարել պարտատոմսերի ձեռքբերումից, օտարումից և այլ գործողություններից ծագող դրամային և ոչ դրամային ցանկացած պարտավորություն:

Ընկերության իրավունքներն ու պարտականությունները

Պարտատոմսերի թողարկմամբ և տեղաբաշխմամբ Ընկերությունը ստանձնում է հետևյալ իրավունքներն ու պարտականությունները.

Որպես իրավունք՝

1. Պարտատոմսերի տեղաբաշխման ավարտից հետո օգտագործել պարտատոմսերի տեղաբաշխումից ստացված միջոցները:

Որպես պարտավորություններ՝

1. սույն պայմաններով սահմանված ժամկետում կատարել պարտատոմսերի արժեկտրոնների և պարտատոմսերի մայր գումարի մարումներ.
2. օրենքից և պարտատոմսերի թողարկման պայմաններից բխող այլ պարտավորություններ:

Պարտատոմսերի թողարկման սահմանափակումներ

Պարտատոմսերի թողարկման և պարտատոմսերի ձեռք բերման որևէ սահմանափակում չի նախատեսվում:

Պարտատոմսերի թողարկման նպատակը

- պարտավորությունների վերաֆինանսավորում,
- շրջանառու միջոցների ձեռք բերում և համալրում,
- կապիտալ շինարարական աշխատանքների ֆինանսավորում:

Հարկային ռեժիմը

Պարտատոմսերում ներդրում կատարող անձը եկամուտ կարող է ստանալ հետևյալ դեպքերում՝

- պարտատոմսերից ստացվող արժեկտրոններից,
- պարտատոմսերի վաճառքի և գնման գների դրական տարբերությունից (իրացված կապիտալի հավելած):

Արժեկտրոնների հարկման իրավական ռեժիմը սահմանափակվում է միայն ԼՂՀ հարկային օրենսդրության շրջանակով, քանի որ արժեկտրոններ վճարվում է Ընկերության կողմից, ինչը նշանակում է, որ հարկատուների եկամուտները ստացվում են ԼՂՀ աղբյուրներից:

Պարտատոմսերի իրացված կապիտալի հավելածի համար կարող է կիրառվել ինչպես ԼՂՀ հարկային օրենսդրության, այնպես էլ ՀՀ հարկային օրենսդրության պահանջները՝ կախված եկամուտների ստացման աղբյուրից: Հետևաբար, իրացված կապիտալի հավելածի հարկային առանձնահատկությունների ներկայացման շրջանակում տրվում են նաև ՀՀ-ում գործող առանձնահատկությունները:

Շահութահարկ (վճարվում է միայն իրավաբանական անձանց կողմից). ԼՂՀ-ում շահութահարկի գումարը (արժեկտրոնների կամ իրացված կապիտալի հավելածի տեսքով ստացված շահույթի դեպքում) հաշվարկվում է հարկվող շահույթի նկատմամբ՝ 5% դրույքաչափով (հետևաբար ստացվելիք արժեկտրոնը կկազմի անվանական արժեքի 9,50 տոկոսը): Ոչ ռեզիդենտի համար նրա հարկային գործակալը պարտավոր է գանձել շահութահարկ՝ 3% դրույքաչափով (հետևաբար ստացվելիք արժեկտրոնը կկազմի անվանական արժեքի 9,70 տոկոսը):

Եկամտահարկ (վճարվում է միայն ֆիզիկական անձանց կողմից). Պարտատոմսերից ստացված եկամուտները՝ կապիտալի հավելածից, ենթակա չեն հարկման, իսկ տոկոսները հաշվառվում են համախառն եկամտում և հարկվում են 5% դրույքաչափով (հետևաբար ստացվելիք արժեկտրոնը կկազմի անվանական արժեքի 9,50 տոկոսը): Օտարերկրյա քաղաքացիներին և քաղաքացիություն չունեցող անձանց կողմից պարտատոմսերից ստացված եկամուտները հարկվում են 10% դրույքաչափով (հետևաբար ստացվելիք արժեկտրոնը կկազմի անվանական արժեքի 9,00 տոկոսը):

Պարտատոմսի հաշվառման համակարգը

Պարտատոմսերի սեփականատերերի ռեեստրի վարումը կիրականացնի ՀՀ Կենտրոնական Ղեկավարության կողմից: Սակայն պարտատոմսերը կարող են հաշվառվել ինչպես «ԱՐՄՍՎԻՍԲԱՆԿ» ՓԲԸ, այնպես էլ այլ պահառուի կողմից՝ պարտատոմսերի սեփականատիրոջ համար արժեթղթերի հաշիվ բացելու և վարելու միջոցով:

**«ԱՐՄՍՎԻՍԲԱՆԿ» ՓԲԸ
ղերակատարումը**

- ֆինանսական խորհրդատվություն,
- տեղաբաշխման գործընթացի կազմակերպում,
- դեպո հաշիվների վարում,
- հաշվարկային բանկի գործառնություններ

2.2. Ընկերությունը պարտատոմսերի տեղաբաշխման կազմակերպման նպատակով նախատեսում է՝

- իրականացնել ներդրումային հուշագրի և պարտատոմսերի ազդագրի պատրաստման, ինչպես նաև անհրաժեշտության դեպքում մարքեթինգային այլ աշխատանքներ,
- որպես տեղաբաշխող «ԱՐՄՍՎԻՍԲԱՆԿ» ՓԲԸ-ի հետ կնքել պարտատոմսերի տեղաբաշխման կազմակերպման մասին պայմանագիր: Տեղաբաշխողի վարձատրության չափը կսահմանվի վերջինիս հետ կնքված պայմանագրում և կարող է կախված լինել պարտատոմսերի տեղաբաշխման արդյունքներից. նախնական համաձայնությամբ այն կկազմի տեղաբաշխման ծավալի 1,00%-ը:
- կնքել ՀԿԴ-ում պարտատոմսերի թողարկման հաշվի բացման և այդ հաշվին պարտատոմսերի փոխանցման աշխատանքները:

3. ՊԱՐՏԱՏՈՄՍԵՐԻ ՏԵՂԱԲԱՇԽՈՒՄԸ

- 3.1. Պարտատոմսերը տեղաբաշխվում են հրապարակային եղանակով:
- 3.2. Պարտատոմսերը տեղաբաշխվում են մեկ տրանշով:
- 3.3. Պարտատոմսերի տեղաբաշխումը սկսվում է պարտատոմսերի ազդագրի գրանցման օրվան հաջորդող երրորդ աշխատանքային օրվանից և տևում է 5 աշխատանքային օր:
- 3.4. Պարտատոմսերի գինը, այդ թվում՝ տեղաբաշխման ընթացքում որոշվում է սույն պայմանների 2.1 կետով սահմանված բանաձևով:
- 3.5. Տեղաբաշխման ընթացքում պարտատոմսերի փաստացի օտարումը (պարտատոմսերի փոխանցումն) իրականացվում է սույն պայմաններով և պարտատոմսերի ազդագրում սահմանված կարգով:
- 3.6. Տեղաբաշխումն օրենքով սահմանված հիմքերով չեղյալ ճանաչվելու դեպքում գումարները ներդրողներին ենթակա են վերադարձման տեղաբաշխման չեղյալ ճանաչելու պահից 3 աշխատանքային օրվա ընթացքում (անկանխիկ եղանակով):
- 3.7. Պարտատոմսերի տեղաբաշխման ընթացքում պարտատոմսեր ձեռք բերող անձը պարտատոմսերի ձեռք բերմամբ (պայմանագրի կնքմամբ կամ ձեռք բերման հայտի ներկայացմամբ) տալիս է սույն պայմաններն ընդունելու իր համաձայնությունը:

4. ՀՐԿՊԱՐԱԿԱՅԻՆ ԱՌԱՋԱՐԿԻ ՄԱՍԻՆ ՏԵՂԵԿՈՒԹՅՈՒՆՆԵՐԻ ԲԱՑԱՀԱՅՏՄԱՆ ՊԱՅՄԱՆՆԵՐ

- 4.1. Ընկերությունը պարտավոր է ինտերնետային կայքում (www.artsakhpp.com) պարտատոմսերի հրապարակային առաջարկի, տեղաբաշխման գնի, ժամկետների և կարգի, մասին, ինչպես նաև սույն պայմաններով սահմանված պահանջվող այլ տեղեկատվություններ բացահայտել:
- 4.2. Ընկերությունը պարտավոր է պարտատոմսերի ազդագրի գրանցումից հետո եռօրյա ժամկետում իր ինտերնետային կայքում հրապարակել պարտատոմսերի ազդագիրը և կից փաստաթղթերը՝ ապահովելով արտաքին օգտագործողներին այն բեռնավորելու հնարավորություն:
- 4.3. Ընկերությունը իրավունք ունի սույն պայմանների 4.1. և 4.2. կետերով նախատեսված, ինչպես նաև տեղաբաշխման ընթացքում տեղաբաշխման պարտատոմսերի քանակի մասին տեղեկությունները բացահայտել այլ զանգվածային լրատվության միջոցներով, բուկլետների, ուղեցույցների, վերլուծական նյութերի պատրաստման և գովազդային հոլովակների միջոցով կամ մամուլում տրվող հայտարարությունների միջոցով:

5. ՊԱՐՏԱՏՈՄՍԵՐԻ ՇՐՋԱՆԱՌՈՒԹՅՈՒՆԸ

- 5.1. Պարտատոմսերի տեղաբաշխման ավարտից հետո Ընկերությունն ապահովում է «Նասդաք Օֆմեքս Արմենիա» ԲԲԸ-ի (այսուհետև՝ «Բորսա») առևտրին պարտատոմսերի թույլատվություն ստանալու գործընթացը՝ ՀՀ օրենսդրությամբ սահմանված կարգով:
- 5.2. Երկրորդային շուկայում պարտատոմսերի շրջանառությունը (պարտատոմսերով գործարքների կատարումը) կազմակերպվում է Բորսայում՝ վերջինիս կանոններով սահմանված կարգով: Պարտատոմսերի երկրորդային շուկայում պարտատոմսեր ձեռք բերող անձը ձեռք բերմամբ (առուվաճառքի գործարքի կնքմամբ) տալիս է սույն պայմաններն ընդունելու իր համաձայնությունը:
- 5.3. Ընկերությունը Բորսայում պարտատոմսերի իրացվելիության ապահովվման (գնանշումների կատարման) նպատակով կարող է ընտրել շուկա ստեղծող (մարքեթ մեյքեր):

6. ՊԱՐՏԱՏՈՄՍԵՐԻ ՄԱՐՄԱՆ ՍՊԱՍԱՐԿՈՒՄԸ ԵՎ ԱՐԺԵԿՏՐՈՆՆԵՐԻ (ՏՈԿՈՍԱԳՈՒՄԱՐԻ) ՎՃԱՐՈՒՄԸ

- 6.1. Պարտատոմսերի մարումը.
 - 6.1.1. Պարտատոմսերի մարումն իրականացվում է մայր գումարի միանգամյա վճարմամբ տեղաբաշխումը սկսելու օրվան հաջորդող 36-րդ ամսվա համապատասխան օրը (եթե նշված օրը աշխատանքային օր չէ, ապա դրան հաջորդող աշխատանքային օրը):
 - 6.1.2. Պարտատոմսերի սեփականատերերի ռեեստրը փակվում է պարտատոմսերի համապատասխան մարման օրը (եթե նշված օրը աշխատանքային օր չէ, ապա՝ դրան հաջորդող աշխատանքային օրը)՝ ժամը 9:00, իսկ պարտատոմսերի մարման գումարները վճարվում են պարտատոմսերի սեփականատերերին ռեեստրի փակման օրվան հաջորդող երեք աշխատանքային օրվա ընթացքում:
 - 6.1.3. Պարտատոմսերի համապատասխան մարման գումարն իրավունք ունեն ստանալ փակման դրությամբ պարտատոմսերի սեփականատերերի ռեեստրում գրանցված անձինք (սեփականատերերը կամ անվանատերերը):
 - 6.1.4. Ընկերությունը պարտավորվում է մինչև պարտատոմսերի մարման օրը հաշվարկային բանկում բացված հաշվի վրա կուտակել պարտատոմսերի մարման համար անհրաժեշտ դրամական միջոցները:
 - 6.1.5. Ընկերությունը պարտատոմսերի մարման օրվա ընթացքում հաշվարկային բանկ է փոխանցում մարման գումարներ ստացող անձանց անհրաժեշտ տվյալները:

- 6.1.6. Հաշվարկային բանկը վճարում է մարման գումարները անկանխիկ ձևով, այսինքն՝ պարտատոմսերի սեփականատերերի ռեեստրում գետեղված բանկային հաշվին փոխանցելու միջոցով:
- 6.1.7. Պարտատոմսերի մարման գումարի վճարման օրվան հաջորդող աշխատանքային օրվա ընթացքում հաշվարկային բանկը Ընկերությանը ներկայացնում է մարման գումարների վճարման մասին հաշվետվություն (քաղվածք):
- 6.1.8. Ընկերությունը պարտավորվում է 6.1.2 կետում նշված ժամկետում պարտավորությունները չկատարելու դեպքում յուրաքանչյուր ուշացած օրվա համար վճարել մարման ենթակա գումարի 0,1%-ի չափով տույժ:
- 6.2. Պարտատոմսերի արժեկտրոնների (տոկոսագումարների) վճարումը
 - 6.2.1. Արժեկտրոնները հաշվարկվելու են տարեկան 10%, որոնք վճարվում են կիսամյակային պարբերականությամբ՝ ԱՄՆ դոլարին համարժեք ՀՀ դրամ:
 - 6.2.2. Արժեկտրոնների (տոկոսագումարների) վճարման նպատակով պարտատոմսերի տեղաբաշխման սկսման օրվան հաջորդող 6-րդ, 12-րդ, 18-րդ, 24-րդ, 30-րդ և 36-րդ ամիսների համապատասխան օրը (իսկ եթե նշված օրը աշխատանքային օր չէ, ապա դրան հաջորդող աշխատանքային օրը) ժամը 9:00 փակվում է պարտատոմսերի սեփականատերերի ռեեստրը:
 - 6.2.3. Արժեկտրոնները (տոկոսագումարները) վճարվում են պարտատոմսերի սեփականատերերի ռեեստրի փակման օրվան հաջորդող երեք աշխատանքային օրվա ընթացքում:
 - 6.2.4. Արժեկտրոնները (տոկոսագումարները) ստանալու իրավունք ունեն փակման դրությամբ պարտատոմսերի սեփականատերերի ռեեստրում գրանցված անձինք (սեփականատերերը կամ անվանատերերը):
 - 6.2.5. Ընկերությունը մինչև 6.2.2. կետում նշված օրերը հաշվարկային բանկում բացված հաշվի վրա կուտակում է արժեկտրոնների (տոկոսագումարների) վճարման համար անհրաժեշտ դրային միջոցները:
 - 6.2.6. Ընկերությունը մինչև 6.2.2. կետում նշված օրերին հաջորդող օրվա ընթացքում հաշվարկային բանկին է փոխանցում արժեկտրոններ (տոկոսագումարներ) ստացող անձանց անհրաժեշտ տվյալները:
 - 6.2.7. Հաշվարկային բանկը արժեկտրոնները (տոկոսագումարները) վճարում է անկանխիկ ձևով:
 - 6.2.8. Ընկերությունը պարտավորվում է 6.2.3 կետում նշված ժամկետներում պարտավորությունները չկատարելու դեպքում յուրաքանչյուր ուշացրած օրվա համար վճարել մարման ենթակա գումարի 0,1%-ի չափով տույժ:
 - 6.2.9. Ընկերությունը հանդիսանում է հարկային գործակալ և, ըստ այդմ, Ընկերությունը պետք է Բանկին արժեկտրոնների գումարների փոխանցմանը զուգառեռ փոխանցի պարտատոմսերի դիմաց արժեկտրոններից (տոկոսագումարներից) գործող օրենսդրությանը համապատասխան պահվող հարկային պահումները պետական բյուջե փոխանցելու համապատասխան հանձնարարականը:

7. ԱՅԼ ԴՐՈՒՅԹՆԵՐ

- 7.1. Սույն պայմաններով չկարգավորվող հարաբերությունները կարգավորվում են ԼԴՀ և/կամ ՀՀ գործող օրենսդրությամբ, Ընկերության այլ որոշումներով կամ նրա կողմից կնքված պայմանագրերով (որոնց վերաբերյալ տեղեկությունները կներկայացվեն պարտատոմսերի ազդագրում այնպես, որ ցանկացած ներդրող հնարավորություն կունենա ծանոթանալ և դրանք հաշվի առնել իր ներդրումային որոշման հիմքում):

7.2. Սույն պայմանների ընդունման պահից հետո տեղի ունեցող էական հանգամանքներ կամ փաստեր ի հայտ գալու դեպքում կարող են սույն պայմանների դրույթները կիրառվել մասնակի կամ կիրառվել որոշակի փոփոխություններով, որի մասին պարտատոմսերի ազդագրում կներառվի այդ էական փաստի կամ հանգամանքի, ինչպես նաև դրույթների կիրառման առանձնահատկությունների մասին մանրամասն տեղեկություններ, եթե այդ դրույթի փոփոխությունը կամ մասնակի կիրառումը չի հանգեցնում օրենքի և այլ իրավական ակտերի, ինչպես նաև Ընկերության կանոնադրության պահանջների խախտմանը: